



Inatsisartunut ilaasortaq Jens B. Frederiksen  
Demokraatit

maani

**§ 36 stk. 10-2009 pillugu apeqquteqaat: Angajoqqaat pikkorissartinneqarnissaasa kinguarneranut tunngasoq**

**1. Angajoqqaanngortussanut pikkorissartitsinissamik suli neqerooruteqartoqannginneranut suna pissutaava? Piffissaqannginneq pissutiginerarlugu akissuteqartoqarnissaa kissaatiginngilara. Piareersarneq 2006-imili ukiakkut Naalakkersuisut isumagisussaagaluarpaat?**

**2. Ukiut marluk sinnerlugit pisoqaassusilik Inatsisartut aalajangiinerat piffissaagallartillugu ingerlanneqannginneranut kikkut akisussaappat?**

(Inatsisartunut ilaasortaq Jens B. Frederiksen, Demokraatit)

**Akissuteqaat**

(Ilaqtariinnermut Peqqittsimullu Naalakkersuisoq)

Naartusunut angajoqqaanngortussanullu tunngasumik isumaginninnikkut siumut isigisumik sammisaqarluni apeqquteqaataanut Inatsisartunut ilaasortaq Jens B. Frederiksen Demokraatit qutsavigaara.

Aalajangiiffigisassatut siunnersuut akuersissutigineqarmalli siunnersuutip qanoq qanorlu iluseqarluni piviusunngortinneqarnissaa pillugu Ilaqtariinnermut Peqqittsimullu Naalakkersuisoqarfik aalajangersimasumik eqqarsaatersuuteqarpoq. Soorluttaaq 2009-mut Aningaasanut Inatsit pillugu isumaqatigiinniarnermi tamanna ilanngunneqartoq.

Apeqquteqaat 1-imut akissuteqaat:

2009-mi angajoqqaanngortussat tamarmik pikkorissartinneqarnissaasa aallartissarneqarnissaa pillugu Inatsisartut aalajangiinerat tunngavigalugu Naalakkersuisut pingaarnersiupput 2009-milu Aningaasanut Inatsit aqutugalugu aningaasanik qinnuteqarlutik. Aningaasaliissutigineqartut ukiumi tapiiffiusumi aatsaat atorneqarsinnaammata piareersaatiniq Naalakkersuisut ingerlataqarsinnaasimangillat, assersuutugalugu illoqarfinni ilinniartitsisussanik pikkorissaanernik ingerlatsinernut. Aallaqqaammut illoqarfinni ilinniartitsisussanik pikkorissaanernik ingerlatsinissaq aallartinneqassasoq Naalakkersuisut

Dato: 02.02.2009  
J.nr. 10/2009

Postboks 260  
3900 Nuuk  
Oq/tel +299 34 50 00  
Fax +299 32 55 05  
[ipn@gh.gl](mailto:ipn@gh.gl)  
[www.nanoq.gl/ipn](http://www.nanoq.gl/ipn)

naatsorsuutigaat, taamaaliornikkut suliniutigineqartoq nuna tamakkerlugu  
atuuttussanngorsinnaaqqullugu.

Apeqquteqaat 2-mut akissuteqaat:

Meeqqanik inuusuttunillu sumiginnaasarnerup akiorneqarnissaanut sulinermi  
peqataanissaq Naalakkersuisut soqutigisaraat, taamaattumik suliniutinik nutaanik  
aallartitsinissamut suliniutillu ingerlanneqareersut kommunini suliniutigineqartut  
tapersersorneqarnissaannut tunngatillugu qitiusumillu suliniutit  
ingerlatiinneqarnissaat Naalakkersuisut sapinngisartik tamaat  
sulissutiginiarpaat.

Inussiarnersumik inuulluaqqusillunga

Naja Petersen